

T 9209/0433

38

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUL 11 1941

圖書編卷之二十八

天圓地方圖叙


南昌後學章潢本清甫編

哈佛大學漢和
圖書館珍藏印

古今言天地者不一。方圓所以言其象。玄黃所以言其
色。健順所以言其德。覆載生成所以言其職。卑高上下
所以言其位。動靜闔闢所以言其機。陰陽剛柔輕清重
濁所以言其氣。與質也。要之皆是也。是故日月星辰莫
非天。水火土石莫非地。故曰凡有氣皆天。有形皆地。然
猶未免以二物分言之也。其實天地一也。天無形而地
之上。虛空皆天也。地之中所以發生萬物皆天之氣也。



天 圓 地 方 圖



中庸曰：天地之道，可一言而盡。其爲物不貳，則其生物不測。至哉言乎！善觀天地者，須默識其所以爲物不貳而後可。雖然，羲皇仰觀而俯察，尼父上律而下襲，豈徒求之天地乎哉？凡今之人，孰不戴天而履地也？孰不圓首而方足也？盡心於崇效卑法之道者，幾何人哉？噫嘻！天地爲物不貳也。天地人之道，可一言而盡，亦曰爲物不貳也。人惟反身以求之，則參贊位育之道，即于此乎。

黃帝曰地之爲下否乎岐伯曰地爲人之下大虛之中者也帝曰馮乎岐伯曰大氣舉之也

天體之運有常度而無停機非有體也因星之所附麗擬之爲天之體耳觀夫星之昏在東者及曉則西墜昏所不見者至曉則東升東西轉運有以驗天體之左旋矣然而北天之星未嘗入地終夜可見其旋轉爲甚窄窺之以管其間一星旋轉尤密不出管中者曰組星組星所在天體是爲北極若南天之星雖終夜不常見而其旋轉亦不遠知爲南極之所在而南極亦不動南北二極爲天體之管轄其猶門之樞車之軸歟試以圓瓜

譬之北極乃瓜頂聯蒂之所南極乃瓜末含花之所天之東西爲最廣則比瓜之腰圍北極高而南極下故北極之傍雖旋轉而常在於天南極之側雖旋轉而不出於地此又可驗地在天內天如雞子地如內黃矣然天體極圓不類雞子乃取以爲譬者非取其形之肖特以比天包地外而已以今譬之天體如鞠內盛半水而浮板水上板譬則地也置物板上鞠雖外轉板豈常動手物遠視之微近視則大當午之日如盤孟出沒之日如車輪豈非午日爲遠耶或疑午日熱爲近殊不知日久照則熱不可以遠近論也至於星度高升則密低垂則

動板轉鞠
而外

北極
組星

降線
北極

疎則天頂遠而四傍近固可知矣且天體圓如彈丸圓
中心六合之的也周圍上下相距正等名曰天中從天
中直上至天頂名嵩高地平不當天半地上天多地下
天少從地平之中直上自有天中之所或以爲地平正
當天半者蓋以周天三百六十五度餘四之一仰視爲
一半星宿周度可見故以地中就爲天中而今以地中
直以上自有天中之所者以日月之近大而遠小星之
高密而低疎知之也然地平既在天半之下而仰觀止
見周度之半者天遠似乎低地平與之相妨人目不可
盡見也

古者以陽城爲地中然非四海之中乃天頂之下以爲
地也論四海之中則崑崙爲天下地平最高處東則萬
水流東西則萬水流西南北亦然其山距西海三萬餘
距東海不及二萬里則天下之地多在地中以西地中
之東則皆海也故四海之內不中於陽城中於四海者
乃天竺以北崑崙以西也若天之所覆通地與海而言
中則中於陽城仰觀北極出地三十六度南極入地亦
三十六度北至朔方則北極出地四五十度南極入地
亦然南至二廣則出入之度三十一又南至交廣則出
入之度二十而已天地之遠近非惟仰觀不同而寒暑

晝夜表景亦皆差別舊曆晝未極於六十刻晝短極於四十刻今授時曆以驗於燕地稍偏北故其未至六十二刻短至三十八刻蓋偏南則長短較少偏北則所較最多夏則所較漸多夏日出寅入戌其地近北冬日出辰入申其地近南日近北則夏晝長而北方尤長夏夜短而北方尤短日近南則冬夜長而北方尤長冬晝短而北方尤短而南方之晝夜長短則不較多也古者立八尺之表驗日景短長地中夏至午景在表北約一尺六寸地中冬至午景在北表約一丈三尺南至交廣北至鐵勒等處驗之景各不同然非特測之南北亦驗之

東西帝堯分命羲和之官宅於四方是也然表用八尺似失之短至元辛巳用表四丈九尺爲定法是故表短則景短差數難覺表長則景長差數易明而一寸千里之差終未足據若土圭者雖古有其制然陽城地中已不無差若即八方偏地驗之實有不可准者大抵偏東者早景疾而晚景遲午景先至偏西者早景遲而晚景疾午景後期偏北者少其晝而景遲偏南者多其晝而景疾蠻與短景指南而子午反復則又舛訛甚矣

天體周圍皆三百六十五度四分度之一徑一百二十一度四分度之三凡一度爲百分四分度之一即百分

中之二十五分也四分度之三即百分中七十五分也
天左旋東出地上西入地下動而不息一晝一夜行三
百六十六度四分度之一

東
方

緣日東行一度故天左旋三百六十六度然後日復出於

地體徑二十四度者其後半之勢傾東南其西北之高
不過一度邵雍謂水火土石合而爲地今所謂徑二十
四度乃土石之體耳土石之外水接於天皆爲地體地
之徑亦得一百三十一度四分度之三也兩極南北上
下樞是也北高而南下自地上觀之北極出地上三十
五度有餘南極入地下亦三十五度有餘兩極之中皆

去九十一度三分度之一謂之赤道橫絡天腹以紀二
十八宿相距之度大抵兩極正徐晝夜循環幹旋天運
自東而西分爲四時寒暑所居南北之中是爲天心中
氣存焉其動有常不疾不徐以子陰陽所以和此後天
之太極也先天之太極造天地於無形後天之太極運
天地於有形其實非二極也

天地之道可一言而盡也其爲物不貳則其生物不測
天地之道博也厚也高也明也悠也久也今夫天斯昭
昭之多及其無窮也日月星辰繫焉萬物覆焉今夫地
一撮土之多及其廣厚載華嶽而不重振河海而不洩

萬物載焉。今夫山一卷石之多，及其廣大，草木生之，禽獸居之，寶藏興焉。今夫水一勺之多，及其不測，黿鼉蛟龍魚鼈生焉，貨財殖焉。

自古論天地孰有如中庸此章之親切最詳明哉。

邵子曰：天圓而地方，天南高而北下，是以望之如倚蓋焉。地東南下而西北高，是以東南多水，西北多山也。天覆地，地載天，天地相函，故天上有地，地上有天。

邵子曰：天何依？依乎地。地何附？附乎天。天地自相依附。程子曰：凡有氣，莫非天；凡有形，莫非地。○天地之中，理必相直，則四邊皆有空闕處，空闕處如何？地之下，豈無

天。今所謂地者，特如天中一物爾，如雲氣之聚以

而不散也。故爲對凡地動者，只是氣動。凡所指地者，只

是土土亦一物爾，不可言地。更須要知坤元承天是地

之道也。○天地動靜之理，天圓則須轉動，地方則須安靜。

南北之位，豈可不定？所以定南北者，在坎離也。坎離又

不是人安排得來，莫非自然也。○天地之化，一息不流，

疑其速也。然寒暑之變，甚漸。○冬至之前，天地閉塞，可

謂靜矣。日月運行，未嘗息也。則謂之不動可乎？故曰動

靜不可離。○天主施成之者，地也。○天地生物之氣象，

可見而不可言。善觀於此者，必知道也。○地氣不上騰，

則天氣不下降。天氣降而至於地。地中生物者皆天氣也。惟無成而代有終者。地之道也。

致堂胡氏曰：夫天非若地之有形也。自地而上。無非天者。晉人以積氣名其象。以倚蓋名其形。皆非知天者。莊周氏曰：天之蒼蒼。其正色邪？言天無色也。無色則無聲。無臭。皆舉之矣。日月星辰之繫乎天。非若山川草木之麗乎地也。著剛柔列。彊度行止。氣機自運。莫使之然。而然者無所託也。若其有託。則是以形相屬。一麗乎形。能無壞乎？

朱子曰：天運不息。晝夜輾轉。故地權在中間。使天有一息之停。則地須陷下。惟天運轉之急。故疑結得許多渣滓在中間。地者氣之渣滓也。所以道輕清者為天。重濁者為地。○天包乎地。天之氣又行乎地之中。故橫渠云：地對天不過。○問天地之所以高深。曰：天只是氣。非獨是高。只今人在地上。便只是如此高。要之連地下。亦是天。又云：世間無一个物事大。故地任地。大地只是氣之渣滓。故厚而深也。○問康節天地自相依附之說。某以為此說與周子太極圖。程子動靜無端。陰陽無始之義。一致。非曆家所能窺測。曰：康節之言。大體固如是矣。然曆家之說。亦須考之。方見其細密處。如禮記月令疏及

晉天文志皆不可不讀也

西山真氏曰按楊倞註荀子有曰天無實形地之上空虛者皆天也

按天圓地方人皆知之然天之圓者氣之運也固流行于地之四周地之方者質之凝也實在天範圍之內邵子謂天地自相依附程子謂地者特中天一物朱子謂地者氣之渣滓俱爲確論惟岐伯大氣舉之一語則尤精也雖然乾統天坤順承天欲窮天地者須窮天地之原如文中子所謂圓者動方者靜見天地之心其果然歟

張子正蒙曰地物也天神也物無踰神之理顧有地斯有天若其配然耳地有升降日有脩短地雖凝聚不散之物然二氣升降其間相從而不已陽日上地日降而下者虛也陽日降地日進而上者盈也此一歲寒暑之候也至於一晝夜之盈虛升降則以海水潮汐驗之爲信然間有小大之差則繫日月朔望其精相感

黃瑞曰此段地有升降日有脩短及證以海水潮汐之候皆用舊說今考先儒皆謂地在天中水環地外四遊升降不越三萬里春遊過東方五千里其下降如其數秋遊過西方五千里其上升如其數夏遊在南故日在

其上冬遊過北故日在其南此冬夏晝夜

因地

有升降而然人處地上如在舟中但見岸之移而不見

舟之轉也至於論潮則謂天包水水承地而一元之氣

升降於太空之中地勢水力與元氣相為升降氣升而

地沉則海水溢上而為潮氣降而地浮則海水縮而為

汐一晝一夜陰陽之氣再升再降故一日之間潮汐皆

再其說與地有四遊相為表裏然以渾天觀之天形斜

倚半在地上北極出地三十六度其南五十五度正當

地之中又其南十二度為夏至之日道天在地上最高

故晝長又其南二十四度為春秋分之日道天在地上

稍低故晝夜平又其南二十四度為冬至之日道天在

地上最低故晝短其南下入地纔三十一度而已此晝

夜長短乃天體高低自然之理非因地之升降也潮汐

消長則惟余襄公海潮圖序是明蓋潮之消息皆繫於

日月臨卯酉則潮漲平東西月臨子午則潮平平南北

晝夜之運日行一度月行十三度有奇故太陰西沒之

期常緩於太陽六刻有奇潮信之來率亦如是自朔至

望常緩一夜潮自望至晦復緩一晝潮朔望前後月行

差疾故晦前三日潮勢長期後三日潮勢大亦如之月

弦之際月行差遲故潮之出來勢亦稍小一月則潮盛

奇起 潮說 今潮 氣沉 地沉 之說 不為 宜也

於朔望之後一歲則潮盛於春秋之中春夏晝長潮常
大秋冬夜長潮常小蓋歲之有春秋猶月之有朔望天
地之常數也此潮之消息乃繫之日之進退亦非因地
之浮沉也張子特用舊說而未之易耳

管人謂崑崙山乃天下之最高者其東面中原所以江
淮河漢之水皆東流其西面西域諸國所以流沙以西
之水皆西流南自吐蕃兩廣水皆南向北自沙漠虎林
以至海都木鉢地勢漸低水皆北向然此亦舉其人力
之所通者言之耳若以是爲盡窺天地則吾不知也蓋
造化之妙無窮耳目之力有限以有限窺無窮則有限

者易窮而無窮者難阻譬之蟻鳥生於穴長於穴游於
墻屋聚於累土而曰城屋足以盡天累土足以盡地可
乎異氏九天之說既虛妄世儒蠡測之言博而寡要
蓋人在天地如魚在水而不知有水是以日月之外聖
人不能範圍之而作曆日月之內聖人不能不損益之
而成歲

天地二儀一也日月二曜一也陰陽二氣一也天統地
日統月陽統陰元氣至剛而純陽也精萃爲日神運爲
天往來屈伸動靜爲寒暑寒暑之交爲四時一日之間
有四時之候是以混沌闢闢亦有四時之候四時一也

混闢無窮而元氣不改也

天地一氣爾氣化生水水中滓濁積而成土土遂成山川土之剛者成石而金生焉土之柔者成木而火生焉五行具萬物生而變化無窮矣

天地總論

易道乾一而實故以質言而曰大坤二而虛故以量言而曰廣朱子謂此兩句說得極分曉蓋曰以形言之則天包地外地在天中所以說天之^質大以理與氣言之則天之氣却在地之中地盡承受得天之氣所以說地之量廣天只是個物事一故實從裏面便實出來流行發

生只是個物事所以說乾一而實地雖堅實然鄰虛天之氣流行乎地之中皆從裏面發出來所以說坤二而虛用之云地如肺形雖硬而中本虛故陽氣升降乎其中無所障礙雖金石也透過去地便承受得這氣發育萬物要之天形如一個鼓鞀天便是那個鞀外面皮殼子中間包得許多氣開闔消長所以說乾而一實地中間盡是這氣來往升降絲中間虛故容得這氣來往升降以其包得地所以說其質之大以其容得天之氣所以說其量之廣非是說地之形有盡故以量言也只

是說地盡容得天之氣所以說地之廣耳今曆家用律

呂候氣其法最精氣之至也分寸不差便是這氣都只地中透出來如十一月冬至用黃鍾管距地九寸以葭灰實其中至之日氣至灰去畧刻不差

天空虛而其狀與鷄卵相似地局定於天中則如鷄卵中黃地之上下四圍蓋皆虛空處即天也地所以懸於虛空而亘古不墜者天行於外晝夜旋轉而無一息停也天北高南下而斜倚故北極出地三十六度黃道周匝於天腹日月則行於虛空之中而晝夜不離黃道隋書謂日入水中妄也水出地中行不離乎地地之四表皆天安得有水謂水浮天載地尤妄也冬至之日晝則近南極而行在天之南方而陽氣去人甚遠故寒夜則潛於地底之虛空而陽氣正在人之足下所以井泉溫夏至之日晝則近北極而行正在人之頂上而陽氣直射於下故熱夜潛於地外在北方之虛空處而陽不在地底所以井泉冷萬物春而生夏而長由地底太陽之氣自下蒸上也秋而收冬而藏由太陽之氣去地底以漸而遠也此理昭然而昧者自不知耳

天外論

邵康節曰天何依依乎地地何附附乎天天地何所依附曰自相依附自斯言一出宋儒標榜而互贊之隨聲

而妄衍之。朱子遂云：天外更須有軀殼，甚厚，所以固此氣也。天豈有軀殼乎？誰曾見之乎？既自撰為此說，他日遂因而實之曰：北海只挨著天殼邊過，似曾親見天殼矣。自古論天文者，宣夜、周髀、渾天之書，其石洛下閎之流，皆未嘗言非不言也。實所不知也。若邵子、朱子之言，人所不言，亦不必言也。人所不知，亦不必知也。人所不問，亦不必問也。莊子曰：六合之外，存而不論，此乃切要之言。孰謂莊子為虛無異端乎？元人趙緣督治稍正邵子之誕，而今之俗儒，已交口議之。又丘、長春世之所謂神仙也。其言曰：世間之事，尚不能究，况天外之事乎？由是言之，則莊子、長春乃異端之正論，而康節、晦翁之言，則吾儒之說矣。本朝劉伯溫、古其石洛下之流，其言曰：天有極乎？極之外何物也？天無極乎？凡有形必有極，理也。勢也。是聖人所不能知耳。非不言也。故天之行，聖人以曆紀之。天之象，聖人以器驗之。天之數，聖人以筭窮之。天之理，聖人以易究之。天之所闕，人無術以知之者，惟此耳。今日不知而曰不言，是何好勝之甚也。嗚呼！伯溫此言，其確論乎？其曰：好勝者，蓋指宋儒之論天者。予嘗言東坡詩：不識廬山真面目，只緣身在此山中。蓋處於物之外，方見物之真也。吾人固不出天地之大何

乎？由是言之，則莊子、長春乃異端之正論，而康節、晦翁之言，則吾儒之說矣。本朝劉伯溫、古其石洛下之流，其言曰：天有極乎？極之外何物也？天無極乎？凡有形必有極，理也。勢也。是聖人所不能知耳。非不言也。故天之行，聖人以曆紀之。天之象，聖人以器驗之。天之數，聖人以筭窮之。天之理，聖人以易究之。天之所闕，人無術以知之者，惟此耳。今日不知而曰不言，是何好勝之甚也。嗚呼！伯溫此言，其確論乎？其曰：好勝者，蓋指宋儒之論天者。予嘗言東坡詩：不識廬山真面目，只緣身在此山中。蓋處於物之外，方見物之真也。吾人固不出天地之大何

以知天地之真實歟且聖賢之學切問近思亦何必天
外之事耶

天地東西南北温涼寒暑

帝曰天不足西北左寒而右涼地不滿東南右熱而左

温其故何也岐伯曰陰陽之氣高下之理太少之異也

東南方陽也陽者其精降於下故右熱而左温西北方

陰也陰者其精升於上故左寒而右涼是以地有高下

氣有温涼寒涼者下之温熱者瘡汗之下之則脹也汗

之則瘡也此腠理開閉之常太夫西北東南言其大

地形所居者悉以居高則寒處下則熱試觀之高山多
雪年川多雨高山多寒平川多熱可徵矣中華之地

有高下之大者東西南北各三分也其一者自漢蜀江

南至海也二者自漢江北至遥平縣三者自遥平北山

北至蕃界北海也故南方大熱中分寒熱兼半北分大

寒南北分外寒熱尤極大熱之分其寒微大寒之分其

熱微然其登步極高山頂則南面北面寒熱懸殊榮枯

倍也又東西高下之列亦三矣其一者自汧源縣西

至沙州二者自開封縣西至汧源縣三者自開封縣東

至滄海也故東分大温中分温涼兼半西分大涼大温

之分其寒五分之二大涼之分其熱五分之二温涼分

外温涼尤極變為大寒大暄也約其大凡如此然九分
之地寒極于東北熱極于西南九分之地其中有高下
不同地高處則寒下處則燥此一分之中小異也若大
而言之是則高下之有一也何者中原地形西高北高
東下南下今自川蒲湊東之滄海則東西南北高下可
知一為地形高下故寒熱不同二則陰陽之氣有少有
多表温涼之異爾今以氣候驗之乃春氣西行秋氣
氣南行夏氣北行以中分校之自開封至汧源
與曆候同以東行校之自開封至汧源每
一百
晚一日春氣發早一日西行校之自汧源縣
積石其以南向及西北東南者每四十里春

氣發晚一日秋氣至早一日北向及東北西南者每一
 十五里春氣發晚一日秋氣至早一日南向行校之川行
 有北向及東北西南者每五百里 新校正云按別本
 作十五里陽氣行晚一日陰氣行早一日南向及東南
 西北川每一十五里熱氣至早一日寒氣至晚一日廣
 平之地每五十里陽氣發早一日寒氣至晚一日北行
 校之川行有南向及東南西北者每二十五里陽氣行
 晚一日陰氣行早一日北向及東北西南川每一十五
 里寒氣至早一日熱氣至晚一日廣平之地則每二十
 里熱氣行晚一日寒氣至早一日大率如此然高處峻
 處冬氣常在平處下處夏氣常在觀其雪零草茂則可
 知矣然地土固有弓形川蛇形川月形川地勢不同生
 殺榮枯地同而天異凡此之類有離向丙向巽向乙向
 震向處則春氣早至秋氣晚至早晚校十五里有丁向
 坤向庚向兌向辛向乾向坎向艮向處則秋氣早至春
 氣晚至早晚亦校二十日是所謂帶山之地也審觀向
 背氣候可知寒涼之地腠理開少而閉多閉多則陽氣
 不發故適涼寒腹必脹也溫熱之地腠理開多而閉少
 則陽氣散故往濕氣之地皮必瘡也下之則中氣
 不餘故張已汗之則陽氣外泄故瘡愈

天地運旋變化

天體東西南北經緯三十五萬七千里每一方距八萬
 九千二百五十里自地至上八萬里以日照陽城之半
 為中乃天體正圓也以古法筭之南極七十二度隱而
 不見謂之下規北極七十二度見而不隱謂之上規每
 度比人間二千九百三十里七十一步二尺七寸四分
 總而筭之每度皆三千里自下度之每度如日輪之大
 三百六十五周絡四方以行七政雖位分四方體無定
 常且暮視中星以知方所其體健而不息其行如壁周
 旋自東運至南自南運至西自西運而入北自北運而

出東推行以序漸積寒暑以成歲功二儀隨以出沒五
緯隨以伏留列舍隨以隱見七政非不行也天行速而
七政行緩如負戴以周運也夫天一氣也氣分東南爲
陽而日隨陽升于東南氣分西北爲陰而日隨陰入于
西北蓋東南陽氣盛于自然故日出于東方陽谷熾于
南方明都而顯麗於正晝西北陰氣盛于自然故日入
于西方昧谷藏於北方幽都而晦伏于半夜炎夏天道
南行陽盛之方日出寅入戌以陽盛于陰日影隨長窮
冬天道行北陰盛之方日出辰入申以陰盛于陽日影
隨短春秋行于正中日出卯入酉而影隨停且南爲明
都天體所見日月五星至是明顯北爲幽都天體所藏
日月五星入是隱晦兩都各異天體一也日月五星入
幽都陰盛之極所以不明非天入於地也若天入地則
地中爲日月所照而明何得名地爲幽都壤歟雨出天
氣霜雪肅寒皆自天降蓋天體陽而其用陰也雲出地
氣風煙蒸鬱皆自地出蓋地道陰而其用陽也天不足
於西北則陽弱而陰盛西北之化常多風寒地厚天低
日氣易及乃生其和以成萬物地不足於東南則陰弱
而陽盛東南之化常多炎熱江南陂湖水泉所聚四五
月時陽氣上蒸其水脈時復爲雨化爲寒熱方得其中

乃成萬物且春首二陽上出天地氣相交通近水則陽
 蒸水氣以成煙霧近鹵則陽蒸鹵氣以成雲霧近山則
 陽蒸山氣以成昏霾皆籠日蔽天春夏則東鹵氣如煙
 火秋冬則西北氣如暝此天道化令之常皆無關於休
 咎也

天地只是陰陽二氣

程子曰天地一氣而已分陰分陽便是兩物

張子曰氣塊然大虛升降飛揚未嘗止息虛實動靜之
 機陰陽剛柔之始浮而上者陽之清降而下者陰之濁
 其感遇聚散結為風雨為雪霜山川之融結糟粕煨燼

無非教也游氣紛擾合而成質者生人物之萬類其
 陽兩端循環不已者立天地之大義 又曰造物所成
 無一物相肖者以是知萬物雖多其實無一物無陰陽
 者以是知天地變化二端而已 又曰兩不立則一不可
 見則兩之用息 又曰一故神兩故化兩者陰陽消長
 進退

邵子曰陰以陽為體陽以陰為體 又曰氣自子至午

為升自午至子為降子至寅地中升于地上卯至巳地
 中升于天中午至申天中降于地上酉至亥地上降于
 地中

朱子曰太極分開只是兩個陰陽都括盡天下事物易不離陰陽千變萬化只是兩個陰氣流行則爲陽陽氣凝聚則爲陰只這一氣消長進退做出古今天地間無限底事來

唐孔氏曰陰蔭也陰氣在內與蔭陽揚也陽氣在外發揚伏羲見陰陽之數畫一奇以象陽畫一偶以象陰陽一而施陰兩而承本一氣也生則爲陽消則爲陰二者一而已陽來則生陽去則歿萬物生成在乎陽則歸之于一也蓋天地是劈初陰陽之氣結成立其大者以爲之主便是个胚樸子然後爲父爲母生人生物千變萬化皆不出此所以克塞宇宙何莫非陰陽之氣都那兩个物事不得造化之初以氣造形故陰陽生天地以形寓氣故天地轉陰陽漢董仲舒始推出陰陽爲儒者宗

是故儒者知陰陽則知天地而萬事萬物無餘奧矣

天地所以爲天地論

虛谷問云有天然後有地有天地然後有五行地固不能敵天之大水亦不當過地之多以意推之天形之內皆氣也地體浮于天氣之中天氣貫于地體之中海至深至潤猶有地以爲之底流至于無地之處則無底而天下之水皆入於天地之氣日一夜一晝行地一次所

以助天之氣。涸其水以歸于無。似勝乎沃焦尾閭之說。魯齋答云。予見時侍東里葉公。知天者也。問葉植之事。謂水從海逆入天河。循環天地中。只是許多水。徃徃來來。不然。水溢無去處。則天下浸。公笑而不答。有客從傍代對。謂海有沃焦石。水至一吸而乾。有尾閭穴。水至一洩而盡。愚曰。吸與洩有限。而水無窮。終不之信。及閱隋志。謂陽精炎職入水。則竭。百川歸注。是以相補。故旱不滅而浸不溢。此說固善。又遺了。後而說未瑩。今先生不取沃焦尾閭而取日。衆曠俱醒。真名言也。然愚猶又即水與氣之說。以求印證焉。葛洪釋天曰。地居天內。天

大而地小。表裏有水。天地各乘氣而浮。此以水與氣並言也。何承天曰。天形正圓。而水居其半。地中高外卑。水周其下。日東出。揚谷西入。濛汜亦曰咸池。四方皆水。故云四海。此專以水言也。虞登曰。天形穹窿。如雞子。幕其際。周接四海之表。浮于元氣之上。譬如覆奩。奩水而蓋不沒。氣充其中也。邵子曰。其形也有涯。其氣也無涯。程叔子曰。有氣莫非天。岐伯對黃帝問曰。太氣舉之。皆以氣言者也。愚謂言水不言氣。水從何生。言水與氣而不言氣。二者何從消長。合而論之。水也。氣也。出也。三者相與循環於無窮。此天地之所以為天地也。

諸儒論天地總說

或問天地之形。邵子依附之說是矣。朱子之說何如。朱子說天地間只有陰陽二氣。只一箇磨來運去磨得急了。拶得許多渣滓在裏面。無出處便結成地。在中央氣之清者便爲天。爲日月。爲星辰。又說天初生想只是水火二者。水之滓脚便成地。今登高而望。群山皆爲波浪之狀。只不知因甚麼時凝了。初間極軟。後來方凝得硬。又說五峰所謂一氣大息。震蕩無垠。海宇變動。山勃川湮。人物消盡。舊跡大滅。是謂洪荒之

高山有螺

蚌殼。或生石中。此石即舊日之生螺蚌。即水中之物。下者却變而爲高。柔者即變爲剛。此數條通說錯了。以朱子前說恰似天纔初生這一番。至五峰螺蚌之說。猶可笑也。鴻荒之世。至宋不知幾千萬年矣。尚有螺蚌哉。此朱子篤信之過也。殊不知天地乃無始無終者也。止有一明一暗耳。明了又暗。暗了又明。所謂萬古者一日之氣象是也。到得暗時。雖然昏黑。不曾墜敗。就似人間睡着一般。其氣尚流通。人睡着之時。人雖不知。然氣息一呼一吸。未有一息之停。是以知天地雖昏黑。其呼吸未嘗停也。月何爲昏黑也。爲無陽也。蓋天地到了戌亥。純是一團陰氣。通是此陰氣。煙霧塞了。日通無光。然雖昏

此論
信實可

黑天地之形質未嘗敗壞春華秋實之草木並凡有血氣者皆不生了至陽生天依舊開了以天屬陽故也天雖開然陽尚微至寅之時三陽開泰天地交構所以依然春華秋實生起血氣之物來

天地總占

惟天為大惟君最尊政教兆於人理輝變見於天文行有玷缺則日象顯示天有妖孽則德宜日新確乎在上而晶明者天之體也墮乎在下而安靜者地之形也地上忽暗萬民離散天色忽變四夷來侵天裂是謂陽不足君弱政亂而土裂地震是謂陰有餘臣專民擾而兵

興地鳴有聲天子失國政天鳴有聲至尊有憂驚天雨草綠信衰所致地生毛人勞兵起之徵地成泉大水而兵亂天雨石大戰而君凶天陰晦而不雨者內亂陰謀圖議地圻裂而有聲者大兵失土不寧山鳴乃有大亂天鼓乃有暴兵地燃乃專恣自災之害天火乃虛偽侈靡之戒民祿而祿不肖則天雨以土霜賢滅而用小人則地生乎光恠下人將起也踊土如山貴臣將死也木冰而介雨雹雨霰夷狄侮而臣后專山從山崩社稷亡而君道壞雨羽則人相殘食雨毛則兵從不息雨金鐵殘酷之由雨蝨蝨貪苛之致雨血則君不親於民雨肉

則天不享其德有暴政則天威成灰多陰謀則天雨成
墨雨金甌成穰之徵降爵錫易王之異雨物則其野大
兵雨水則其分大疫無雲而雨者封拜無功不時而雨
者賊臣將起霜雪之降苟非其時政在大臣而不在辟

天文地理合論

晉聞之易大傳曰天尊地卑乾坤定矣夫以尊卑定乾
坤言乎其位之莫同也而又曰天地絪縕萬物化生乾
道成男坤道成女乃謂其原于乾坤焉既又曰在天成

坤焉何哉噫吾知之矣天地之間一氣而已而位不與
焉一理而已而象不與焉蓋相感者此氣也而相孚者
亦此氣也始生者此理也而終合者亦此理也知大易
之旨而後可以論於理氣之精達於三才之奧矣今夫
天有二極星官有是言也其言曰南極入地下三十六
度常隱不見北極出地上三十六度常見不隱彼何以
知其出入隱見哉以渾儀之象知之也儀渾之制昉見
伏羲而北極之高下日景之短長星間之廣狹南北東
西之方隅咸於是乎取象焉斯其爲制也遠矣地有兩
界唐志有是言也其言曰自三危至朝解爲北界以限

戎狄自岷山至歐閩爲南界以限蠻夷彼何以知其南
北界限哉以江河之會知之也江河之原論自僧一行
北管雍州達爲濟瀆謂之胡門南管梁州達于荆楊謂
之越門皆有所考而準焉斯其于術也精矣夫二極兩
界若是平其高且下也然星土九州之屬見于保章氏
所載者鄭康成謂其有相係之義焉山川列宿之驗見
于法象志所配者李淳風謂其有相應之機焉清寧奠
位一氣相承而何有于高下爲哉中國居于二極兩界
之中又若是平其大且小也然中州清淑之氣降於山
川固不特如嵩高所云也直精不雜之神稟於陰陽又
不特如載記所論也符樞在我司命出焉而何有于大
小爲哉夫高下遠邇者位也而位屬方隅幾微相感者
氣也而氣通真極君子不取其位之相懸而惟取其氣
之相協於是而推步考測有宣夜周髀渾天之三家焉
分星布位有歲星主祀纏次之三說焉司天有考則王
朴發歛四篇歐陽所取以附之史者是也指掌有圖則
蘇軾聚古今列國可見者爲圖後儒間取之以首于經
者是也是數子也觀象制曆則渾天爲幾分節論道則
王朴爲近其他見亦不過蠡測之知耳而亦惡能盡夫
明白顯易之天耶陰陽之三合吾知其本于天而化于

陰陽也。洪水之降，洞吾知其水退而高者爲墳，下者爲
寘也。西北多山，故謂天極之加東南多水，故謂地維之
折。水勢盡而沃焦尾閭之消燦，則曰東流所以不溢也。
鷄火加諸午位，日月五星隨天而轉，則曰天地三光之
所以合而順軌也。之數義也。荒誕恠漫，則離騷之夫問
雖不經而據理消詳，則朱子之註釋爲有見。其他諸問
固皆齊諧之所志者也。而亦何所窺于杳冥莫測之精
乎。夫小大方圓者象也，而象屬有形。字合潛通者理也。
而理入無朕。聖人不泥其象之相遠，而取其理之相洽。
于是而考星宿之行列焉，使夫二千五百之可見者，皆
得以順其軌而左旋也。循日月五星之常道焉，使夫遵
黃道而歷天階者，皆得以安事于太微也。起于天稷，沒
于析木，此雲漢之升沉也。吾識之而分野可定矣。繞地
左旋，一日一周，此周天之運行也。吾稽之而七政可齊
矣。噫，銅渾轉象，玉表求中，久矣。夫天道之難測也，而聖
人直以此心之理，自然之數，知之。則失範圍之德，其真
有以植夫天之維乎。彌成五服，則侯甸綏要荒之所由
分區別率，夷則鞮象寄譯之所由設，而王制職方之訓
其舉乎。審方以官人，故百職不曠。任土以作貢，故九賦
惟供。而周官禹貢之制，其舉乎。守國莫先於封建也，則

裂天下之士以封天下之賢與利莫要于井田也則審
百物之宜以成四方之利疆域明而樹畜育矣取諸月
令以協時序之中本諸王道以臻遠邇之化經緯明而
萬方朝矣噫玄圭錫命玉版獻王久矣夫地道之難奠
也而聖人直以所性之理當然之道行之然則裁成之
教其真有以肇天地之紀乎大抵天地設位則聖人成
能人極之功固本于二儀之奠而參贊之妙又豈出於
謀猷政事之外哉易曰仰以觀于天文俯以察于地理
是故知幽明之故鬼神之情狀此聖人知天之智窮理
之事非天下之至精其孰能與於此

星野合論

今夫天氣也而成文地形也而有理形不得不散而爲
氣氣不得不聚而成形星辰者地之精氣上發于天者
也天有三垣旁列四隅天中極星昴崑崙之墟也天門明
堂太山之精也研岐雷音太嶽砥柱東方之宿也而蒼
龍奠位於左矣太行常山碣石朱圉北方之宿也而玄
武奠位於後矣烏鼠太華熊耳桐栢西方之宿也而白
虎奠位於右矣荆山大別岷衡九江南方之宿也而朱
雀奠位於前矣星官之書自黃帝始嗣是而欽若天象
者代不乏人顧金繩玉策之書不可得而窺也所可傳

者天有十二次而日月躔焉地有十二野而郊圻畫焉
自今觀之雍主魁冀主樞青兗主機而楊徐荆梁豫莫
不有主焉此繫之北斗者也歲星主齊吳熒惑主楚越
辰星主燕趙代而鎮而金亦莫不有主焉此繫之五星
者也角亢壽星鄭也氏房心大火宋也尾箕折木燕也
斗牛星紀吳越也女虛危玄枵齊也室壁姬訾衛也奎
婁降婁魯也胃昴畢大梁趙也紫參實沈晉也井鬼鶉
管秦也柳星張鶉火周也翼軫鶉尾楚也此繫之二十
八宿者也星有七州有九兗青徐揚并屬二州此七星
所以主九州而七國亦在其中矣然方隅躔次東西南
北每每相背者則賈公彥謂古者受封之月歲星所在
之辰其國屬焉似也然有封國自有分星非因封國而
始有虞夏秦漢郡國廢置有前後狹廣之不齊則歲之
所在不可執泥以爲常晉屬實沈者高辛之子主祀參
星宋屬大火者闕伯之墟主辰似也然齊屬玄枵逢公
託食既非所主之國而吳越同次燕陳共分又非所祀
之專則主祀之說亦未敢以爲然矣善乎唐一行有言
星土以精氣相屬而不係乎方隅其占以山河爲限而
不係乎州國庶幾爲可近焉故地有水火木金土之形
天有水火木金土之星一形一象交而精氣自屬非如

地在北而分星之在天者亦居北地在南而分星之在天者亦居南也同一中星也一則取義之不同蓋星適昏中則以星言如星虛星昴是也星不當中則以次言如尾火是也次不當中而適界乎兩次之間則以象言如星鳥是也一則所舉之不同者蓋書言分至之所中月之本也故春夏舉鳥火秋冬舉虛昴是也月令言昏旦之所見月之中也故春夏舉弧亢秋冬舉牛壁是也夫天之高也星辰之遠也觀緯而審機祥者恒推天以合人然天之理即人之理也因機祥而脩德政者當以人而合天何者民之麗乎土猶星之麗乎天也君之統乎民猶北極之統乎星也古之聖人有見乎此道之所在固嘗以經法天矣而猶察昏見之辰知緩急之序觀鳥中則授民以種稷之時焉觀火中則授民以種黍之時焉觀虛中則授民以種麥之時焉觀昴中則授民以代木之時焉而順五行以理陰陽又剛克柔克迭用以出治焉始之乎情性之正著之乎事爲之施措之乎悠久之道動之乎氣機之間則天不愛道地不愛寶河出圖而洛出書矣此豈無自然而然哉若宋有善言而退舍齊無穢德而可穰非無一事之徵終爲適然之數未敢以爲應天之實也

星度職方合論

周禮馮相保章氏司天察變皆有定職不可易也自是而後各國代有其官而占測之法徃徃見諸史冊至漢諸家濫觴愈極矣且自星度言之靈憲論曰中外常明者百有二十四可明者三百二十爲星二千五百微星之數萬有一千二百五十庶物蠢動咸有繫命而星之變昭焉三垣之外有中星者聖人南面視四時之中以布政者也詳著於尚書鳥火虛昴之四宿而月令之中星與大統之中星又不同焉觀孔穎達之疏陳詳導之書可見矣至于經星則二十八宿之分羅四方而奠其位編星則太白辰星鎮歲熒惑之別盡周天以稽其行經則隨天而緯則順度熒惑者迭見是殆之方尤難豫定者也至若瑞星出于隋志景星周伯含譽格澤是也而中興志瑞十有二焉何其多乎或者謂玄保以下悉係妖星是則各窮所見矣而分野之疑秦漢郡國李唐州縣或係之北斗或係之二十八宿或係之五星蓋因地制有殊而爲星應之迥別耳甚者編象以迎占移地以合術而吉凶之僭其能一定乎日有中道月有九行或出之司天考或詳之王村之論或定之王蕃之占蓋因度數不齊而爲運行之差異耳甚者疑井寬而鬼狹

歲疾而鎮遲而占測之宜其能據乎世久術湮而象
緯之學得其要者益亦寡矣自今觀之蓋因其故而推
之乎是故中星也察四仲則據堯典之詳而孟季則本
月令之演經星也觀方位則審一定之則而羅布則驗
所繫之星緯星也而順逆休囚旺相徵焉瑞星也而滯
速經歷色象昭焉九道也據黃道以察其紘而七政不
愆分野也據限度以明其地而二十八宿不亂要而論
之各有一定之故繫象環于九道度數錯于周天吾知
黃道大差九道皆定斯其簡明之法耳故先儒曰不難
于規赤道而難于規黃道直其然乎能循其故而星變

之周旋于外者凌歷薄蝕飛宇順逆雖若不齊隨所值
之方察各分之地一推筭焉而往來愆忒之應莫能逃
矣又何必稽之玄遠然後謂之觀天文也哉周禮司徒
職方氏掌地制域皆有成規不可易矣自是而後歷代
互有攻伐而經理之宜每每垂諸編謨至元狩以來土
地愈廣矣且自外國言之夷狄乘曰西盡于闐龜茲東
極夫餘挹婁北窮樓蘭南究瘴海疆域不下數萬餘里
釐爲郡邑設以關津而地之勢極焉是故朝鮮破于漢
高至武帝開之而立玄菟樂浪之名隋令漢王討之唐
令蘇定方征之至李勣滅其國而暫疑焉雖處置曲盡

其方而叛合不常終至疲中國而無尺寸之利南越之地漢分儋耳珠崖南海蒼梧合浦鬱林九真日南等郡而交州刺史領之武德有總管之稱至德建都護之府至曲承美奪其地而賈亂焉雖防禦各有其道而繼代不一終至事遠征而無輸服之誠左將之擊可謂盡制置之法矣卒之夏參來降而增真蕃臨屯之部豈中華之力果能致之乎亦其敵之相疑成之耳朱鎬之使可謂得撫安之策矣卒之黎桓肆害而言番嶠歐越之侵豈朝廷之命不足制之乎亦其蠻之習詐致之乎又夷地遠而經絡之久得其實者蓋亦鮮矣蓋因其勢而

究之耳是故量遠邇之宜守要害以阨其衝慎邊防以通其使審內外之辨富民力以固其本蒞中土以納其降或航海也嚴大宗之禁勿使之知險夷虛實之情而在鴨綠牙校不得以私通或諭蠻也謹貞觀之符勿使之行欺詐異同之術而渤海交州夷使咸懷其至信要而言之各有不異之勢也若事外而忘內虛已以制人吾知衆不可使地不可耕斯其財力俱困耳故先儒者不難于勤遠而難于篤近信其然乎能究其勢而土地之控制于外者廣狹奢檢理亂貧富雖若不齊隨五方之制鑒絕域之圖一酌量焉而緩急輕重之理莫能越

矣。何必謀之遐徼，然後謂之知地理也哉？是故天文之觀，觀以故也；而莫詳于淳風之渾儀，一行之游儀而已矣。其他隱樓覆矩，鐵極銅甌，各有其時之妙，而占測之法，皆出二子技藝之餘。地理之察，察以勢也；而莫備於商之四方，詰令周之王會圖而已矣。其他拓邊啓業，事遠則兵，各精一時之業，而綏懷之道，罕出二代包羅之。是視之學，合事應之機，德侔分外之圖，皆管人無

圖書編卷之二十九

南昌後學章潢本清甫編

地道總叙

羲皇俯察地理，孔聖下龔水土。學羲孔之學，而於地道弗之庸心焉，可乎哉？輿地廣矣，山川之脈絡未易以周知矣。而其大勢則自陰陽開闢，天若有意以界夷夏而限南北者，在分野則然是故。自二危積石，負終南地絡之陰，抵大華而北，逾大河而大行，抵恒山之右，循塞坦至於濊貊胡鮮，是謂北紀胡門也。自岷山番冢，負地絡之陽，並商山抵上洛，而南逾江漢，至於荆衡，循嶺徼至

於百粵是謂南紀越門也其間包有冀交青徐荆梁豫
揚雍畿服畫九州江河分爲兩界其大幹入中國者爲
南北中三支雖土宇版章在德不在險也然天險不可
升也地險山川丘陵也王公設險以守其國所以公劉
相邠太王遷岐武王宅鎬成王營洛衛文卜乎楚丘形
勝亦古人所必擇而處也歷觀古今輿圖孰有如我
明大一統之盛兩都並據南北雄圖而省府州縣翕然
其環拱哉然廣谷大川異制民生其間異俗剛柔遲速
異齊所以周禮體國經野辨方正位度地居民則壤成
賦各隨地勢以爲之區畫至如今之邊防海防河運海
運九經世者所宜究心余嘗愧不獲環孔轍躡禹跡以
盡其俯察下襲之宜幸圖籍具存亦可以不出戶庭而
週知天下也故爲地道編

分野總叙

分野之說蓋以星之在天者而分在地之土也觀周禮
大司徒言土宜辨十二土未言所辨何土保章氏言星
土辨九州未言所辨何星嘗以天象二十二州之名考
之或者春秋戰國時因星土之義而詳其說乎但以列
國參差不齊之地而配乎在天一定之星諸家辨其非
誠有然者易曰在天成象在地成形雖以列星象官象

民象物且莫不驗也况天地本一氣也謂其無所闕焉
 可乎惟唐僧一行則以天下山川之象存乎兩界而分
 野一以山川為界不主封國郡邑之名庶乎近之今載
 二十八宿分應各省地理圖并存古九州分星圖合而
 觀之不尼乎一定之說則分星分土亦可以得其槩也

二十八宿分應



地理志

卷十九

三

各省地理總圖



星宿次度分屬天下州郡國邑考

十二次班固取三統曆配十二分野其言最詳又有費

直說周易蔡邕今章句頗有先後魏大史令陳卓更言

郡國所入宿度今附而次之

自軫十二度為壽星於辰在辰鄭之分野屬兗州費直起軫

七度又蔡邕起軫六度

自辰五度至尾九度為大火於辰在卯宋之分野屬豫

州費直起氏十一度蔡邕起氏九度

自尾十度至斗十一度為析木於辰在寅燕之分野屬

幽州費直起尾九度蔡邕起尾四度

自斗十一度至女七度為星紀於辰在丑吳越之分野

屬楊州 費直起斗十度 蔡邕起斗十六度

自女八度至危十五度為玄枵於辰在子齊之分野屬

青州 費直起女六度 蔡邕起女二度

自危十六度至奎四度為娵訾於辰在亥衛之分野屬

并州 費直起危十四度 蔡邕起危十度

自奎五度至胃六度為降婁於辰在戌魯之分野屬徐

州 費直起奎六度 蔡邕起奎八度

自胃七度至畢十一度為大梁於辰在酉趙之分野屬

冀州 費直起胃十度 蔡邕起胃一度

自畢十二度至東井十五度為實沈於辰在申魏之分

野屬益州 費直起畢九度 蔡邕起畢六度

自井十六度至柳八度為鶉首於辰在未秦之分野屬

雍州 費直起井十二度 蔡邕起井十度

自柳九度至張十六度為鶉火於辰在午周之分野屬

三河 費直起柳五度 蔡邕起柳二度

自張十七度至軫十一度為鶉尾於辰在巳楚之分野

屬荊州 費直起張十三度 蔡邕起張十一度

又改陳卓范蠡鬼谷先生張良諸葛亮譙周京房張衡

所著州郡疆次井方

角亢氏鄭堯州

東郡入角一度 東平任城山陰入角六度 泰山入角十二度 濟北陳留

入亢五度 濟陰入氏一度 東平入氏七度

房心宋豫州

穎川入房一度 汝南入房二度 柳郡入房四度 梁國入房五度

淮南入心一度 魯國入心二度 楚國入房四度

箕尾燕幽州

涼州入箕十度 上谷入尾一度 魚陽入尾三度 右北平入尾七度

河西上郡北遼東西入尾十度 涿郡入尾十六度 渤海入箕一度 樂浪入箕二度 玄菟入箕六度

廣陽入箕九度

斗牛女吳越楊

九江入斗一度 廬江入斗六度 墜方入斗十度 丹陽入斗十六度

會稽入牛一度 臨淮入牛四度 泗水入女一度 六安入牛六度

虛危齊青州

齊國入虛六度 北海入虛九度 濟南入危一度 樂安入危四度

東萊入危九度 平源入危十一度 菑川入危十四度

室壁衛弁州

安定入室一度 天水入室入度 隴西入室四度 酒泉入室十一度

張掖入室十四度 武都入壁一度 金城入壁四度 武城入壁六度 墩墜入壁入度

奎婁胃魯徐州

東海入奎一度 瑯琊入奎六度 高密入婁一度 陽城入婁九度

膠東入胃一度

昂畢趙翼州

魏郡入昂一度 鉅鹿入昂三度 常山入昂五度 廣平入昂七度

中山入昂十度 清河入昂九度 信都入畢三度 趙郡入畢入度 安平入畢四度 河澗入畢十度

真定入畢十三度

冀參魏益州

廣漢入冀一度 趙雋入冀二度 蜀郡入參一度 犍為入參二度

牂牁入參五度 巴郡入參入度 漢中入參九度 益州入參七度

井鬼秦雍漢

中入井一度 雁門入井十六度

定襄入井八度

代郡入井二十八度

太原入井二十九度 上黨入鬼二度

柳星張周二河

弘農入柳一度 河東入張一度

河南入星二度 河內入張九度

翠軫楚荊州

南陽入軫六度 江夏入軫十二度

南郡入軫十度 陵入軫一度

桂陽入軫六度 長沙入軫十六度

武陵入軫十度

國朝列郡分野

北直隸順天府名幽州尾箕分野漢名廣陽宋名燕山

保定府古幽州尾箕分野漢為涿郡 河朔府古幽州

尾箕分野秦為鉅鹿上谷 真定府古冀州尾箕分野

秦為鉅鹿常山 順德府古冀州尾箕分野 廣平府古

冀州尾箕分野秦為邯鄲 大名府古冀州尾箕分野

野商舊都春秋為晉地唐為魏郡周為天雄軍

南直隸應天府古揚州斗分野漢為丹陽郡吳為建業

鳳陽府古揚州斗分野古為塗山氏之國戰國時屬楚

秦屬九江郡漢為淮西唐為濠州 蘇州府古揚州斗

分野秦置會稽郡改江都 松江府古揚州斗分野晉

時屬 州郡名雲間 常州府古揚州斗分野秦為會

稽郡唐為常州 鎮江府古揚州斗分野秦屬會稽郡

晉屬毘陵唐為丹陽郡 揚州府古揚州斗牛分野秦

為九江漢為廣陵 淮安府古揚州斗牛分野秦為九

江漢屬臨淮 廬州府古揚州斗分野戰國為楚秦為

九江郡漢為江國 安慶府古揚州斗分野戰國屬楚

秦屬九江漢屬廬陵 太平府古揚州斗分野戰國屬

楚秦屬 郡漢為丹陽郡 寧國府古揚州斗分野戰

國屬越後屬楚秦為漳郡漢置丹陽郡晉名宣城 池

州府古揚州斗分野先越後楚漢為丹陽 徽州府古

州斗分野先越後楚秦為漳郡漢為丹陽 廣德州

古揚州斗分野戰國屬楚漢為丹陽 和州古揚州斗

分野戰國屬楚秦為九江漢初屬淮南 滁州古揚州

斗分野戰國屬楚秦為九江漢為淮南 徐州古徐州

房心分野春秋為宋地秦置彭城縣項羽都此

山西太原府古冀州參井分野漢置并州唐為河東道

平陽府古冀州參井分野堯都於此戰國屬韓後屬趙

秦漢皆為河東郡 大同府古冀州參井分野戰國屬

趙秦為雲中鴈門代郡 汾州古冀州參井分野春秋屬

晉戰國屬趙秦漢皆為太原 遼州古冀州參井分野

春秋屬晉戰國屬韓後屬趙為上黨 沁州古冀州春

秋屬晉秦漢皆為上黨 潞州古冀州參井分野西北

伯戡黎即此秦置上黨郡唐為潞州 澤州古冀州參

參分野春秋屬晉戰國屬韓後屬趙秦漢為上黨

山東濟南府古 州危分野春秋戰國並無齊漢為濟
 南郡 兗州府古徐兗二州產婁分野春秋為魯國戰
 國楚屬楚 東昌府古兗州危室分野春秋為齊西鄙
 戰國為魏齊趙三國之境秦漢為東郡 青州府古青
 州虛危分野太公封於此漢分置州海郡 登州府古
 青州危分野唐虞時為嵎夷秦為齊郡漢屬東郡魏析
 東萊郡 萊州府古青州危分野古萊夷地秦屬齊郡
 漢析至東萊郡遼東冀善二州舜分冀東為其幽州即
 今廣寧以西之地青東北為營州即今廣寧以東之地
 箕尾分野戰國屬燕

河南開封府古克豫二州角亢分野春秋鄭衛陳三國
 之境戰國魏於此號為大梁秦為三川漢為陳留 彰
 德府古冀州室壁分野商河亶甲居相即此春秋為晉
 之東陽地戰國為魏之鄴地秦為上黨邯鄲二郡 衛
 輝府古冀州室壁分野殷紂所都朝歌之地秦屬河東
 郡漢屬河內郡 懷慶府古冀州覃懷之地室壁分野
 商為畿內戰國為魏衛鄭三國 河南府古豫州柳分
 野成王營洛在此東都於此 南陽府古豫州張分野
 本夏禹之國春秋併於楚戰國屬韓光武起兵春陵更
 始立於涓水存在在此 汝寧府古豫州角亢氏分野秦

置潁川郡漢置汝南郡東魏改蔡州

陝西西安府古雍州并鬼分野周為王畿漢為三輔後

改京兆秦漢西晉魏後周隋唐並都於此鳳翔府古

雍州并鬼分野周為岐周春秋戰國為秦武帝更名古

扶風漢中府古梁雄二州并鬼翼軫分野春秋戰國

時屬秦與楚漢高祖初為漢王都南鄭即此漢武分隸

益州平涼府古雍州并鬼分野秦屬北地郡漢析安

定郡鞏昌府古雍州并鬼分野春秋為戎羗秦屬隴

西郡東漢分立南安郡臨洮府古雍州并鬼分野春

秋戰國時為羗所居秦漢為隴郡隋改舍城慶陽府

古雍州并鬼分野春秋時為義渠戎國秦屬北地郡

延安府古雍州并鬼分野秦屬上郡漢初屬翟國寧

夏古雍州并鬼分野春秋羗戎所居秦為上郡漢置朔

方郡赫連夏氏都於此洮州古雍州并鬼分野秦為

諸戎之地後為吐谷渾所據隋置臨洮郡岷州古雍

州并鬼分野古西羗地秦為臨洮縣屬隴西郡漢時晉

因之河州古雍州西羗地秦屬隴西郡漢屬金城隴

西二郡靖膚古雍州西羗地秦屬隴西郡漢屬舍城

文縣古梁州并鬼分野春秋戰國時為氏羗地甘肅

古雍州并鬼分野漢以前為月支國漢武置酒泉威

張掖等郡

浙江杭州府古楊州并分野春秋屬吳越戰國屬楚秦

為會稽郡東漢屬吳都隋置杭州改餘杭郡唐復為杭

州紹興府古楊州并女分野禹會諸侯于此春秋戰

國時為越國秦置會稽郡隋改越州唐改會稽郡嚴

州府古楊州牛女分野春秋屬吳越戰國屬楚秦為會

稽漳二郡漢屬會稽丹陽二郡唐為睦州金華府古

楊州牛女分野春秋為越國秦屬會稽郡漢為烏傷仍

屬會稽唐為婺州改東陽郡衢州府古楊州牛女分

野春秋為越國秦漢屬會稽郡處州府古楊州斗

分野春秋戰國屬越秦為會稽郡漢為東甌台州府

古楊州牛女分野春秋戰國時為越地秦屬閩中郡漢

屬東甌國温州府古楊州斗牛女分野春秋戰國並

屬越秦屬閩中郡漢初為東甌國寧波府古楊州牛

女分野夏商閩皆為越地湖州府古楊州斗牛分野

古為防風氏之國春秋屬吳越戰國屬楚漢屬江都改

會稽丹陽二郡唐置湖州改吳興郡嘉興府古楊州

斗分野春秋屬吳越分境秦為會稽郡漢屬吳

江西南昌府古楊州斗分野春秋戰國時為吳越之交

秦屬九江郡漢置豫章郡饒州府古楊州斗分野春

秋楚東境後屬吳戰國復屬楚秦屬九江郡漢屬豫章郡
廣信府古楊州斗分野春秋戰國迭為吳楚之地

秦屬九江會稽二郡漢屬豫章郡及會稽郡 南康府
古楊州斗分野春秋為吳楚之地戰國屬楚秦屬九江

郡漢屬豫章郡 九江府古楊州斗牛分野春秋為吳

越地楚秦為九江郡漢分屬豫章郡 建昌府古楊州

斗分野春秋吳南境戰國屬楚秦屬九江郡漢屬豫章

郡 撫州府古楊州斗分野春秋為吳境後屬越戰國

屬楚秦屬九江漢為豫章郡吳名臨川 臨江府古楊

州斗分野春秋屬吳後屬越戰國屬楚秦為九江漢屬

淮南後屬豫章 吉安府古荆楊二州之域斗分野春

秋屬吳戰國屬楚秦屬九江長沙二郡漢屬豫章郡及

長沙國晉為廬陵郡 瑞州府古楊州斗分野春秋屬

吳戰國屬楚秦屬九江漢屬豫章唐置靖州 袁州府

古楊州斗分野春秋屬吳戰國屬楚秦屬九江漢為豫

章隋名宜春 贛州府古楊州斗分野春秋屬吳越戰

國屬楚秦屬九江漢屬豫章因二水名章貢 南安府

古楊州斗分野春秋屬越戰國屬楚秦屬九江郡漢為

豫章郡隋屬虔州 湖廣武昌府古荆州翼軫分野周屬吳楚秦屬南郡漢

置江夏郡 漢陽府古荊州翼軫分野戰國屬楚秦屬

南郡漢為江夏郡安陸縣二國屬魏後屬吳 襄陽府

古荊豫二州翼軫分野春秋屬楚秦為南郡南陽郡

德安府古荊州翼軫分野雲夢即此地秦屬南郡漢屬

江夏郡劉宋置安陸郡 黃州府古荊州翼軫分野秦

屬南郡漢屬江夏郡 荊州府古荊州翼軫分野春秋

為楚鄙都秦置南郡漢改為臨江郡 岳州府古荊州

翼軫分野周以前為二苗地戰國屬楚秦為長沙郡劉

宋復分巴陵等縣 長沙府古荊州翼軫分野商為荊

楚地周始名長沙 寶慶府古荊州翼軫分野春秋戰

國時屬楚秦屬長沙郡東漢屬零陵郡 衡州府古荊

州翼軫分野春秋楚地秦屬長沙漢初屬桂陽郡吳分

為湘東衡陽二郡 常德府 辰州府古荊州翼軫分

野本蠻夷之地春秋屬楚秦屬黔中郡漢為長沙武陵

二郡三國為武陵郡 永州府古荊州翼軫分野春秋

戰國為楚南境秦為長沙郡 沔陽州古荊州翼軫分

野春秋戰國時屬楚秦屬南郡漢為江夏郡 承天府

古荊州翼軫分野春秋戰國時屬楚秦屬南郡漢為江

夏郡宋齊並為竟陵郡 靖州古荊州軫分野秦為黔

中郡漢屬武陵郡武帝時屬牂牁郡唐為溪洞 柳州

古荊州翼軫分野春秋戰國屬楚秦屬長沙項羽徙義
 帝於此漢置桂陽郡屬荊州 施州古荊梁二州翼軫
 分野春秋為巴國戰國為楚巫郡秦屬黔中郡漢屬南
 郡 永順古荊州翼軫分野蠻夷之地春秋楚國之境
 秦屬黔中郡為武陵郡保靖古荊州翼軫分野隋為辰
 州地唐為漢州地宋置任靖州

四川成都府古梁州并鬼分野入參一度古為蜀國秦
 置蜀郡漢武置益州蜀郡隸焉蜀漢都此 保寧州古
 梁州并鬼分野春秋為巴國秦置巴郡漢未改為巴西
 郡 順慶府古梁州參井分野春秋戰國時為巴子國

秦屬巴郡劉宋析置岩渠縣郡 叙州府古梁州并鬼

分野古為楚國漢為提為郡 重慶府古梁州并鬼分
 野周時巴子國秦置巴郡蜀王走孟知祥繼有其地

夔州府古荊梁二州地翼軫分野秦屬巴郡東漢分置
 永寧郡改巴東郡 馬湖府古荊州并鬼分野古楚侯

國之地夷獠所居漢武為提為提為提為提為提為提為
 梁州并鬼分野春秋戰國為蜀地秦為蜀郡漢置廣漢

郡屬漢分置梓潼郡隋改新城郡 眉州古梁州并鬼
 分野秦為蜀郡漢為提為郡 瀘州古梁州并鬼分野

春秋戰國為巴國秦屬巴郡漢為提為郡 雅州古梁

州并鬼分野秦爲嚴道屬蜀郡東川屬南詔烏蒙古梁
州并鬼分野古爲竇地甸漢爲牂牁郡 烏撒古梁州
并鬼分野 芒部古梁州并鬼分野古爲屈濠大雄甸
播州古梁州并鬼分野秦爲夜郎且蘭二縣漢屬牂牁
郡 永寧梁州之南境并鬼分野秦爲蜀郡漢爲益州
龍州古梁州并鬼分野周秦爲氏羌漢爲陰平道屬益
州 天全六番梁州之南境并鬼分野古西南夷 平
茶洞古荆豫二州軫分野戰國爲黔中地秦屬黔中郡
漢屬武陵郡 松潘古梁州紫參分野古氏羌地漢屬
蜀郡 四川行都司指揮使司古梁州并鬼分野本西
南夷漢武置越雋郡

福建福州府古揚州牛女分野周爲八閩秦置閩中郡
漢屬會稽郡唐爲泉州改長樂郡 邵武府古揚州牛
女分野周爲八閩秦屬閩中郡漢屬會稽郡唐改屬建
州 建寧府古揚州牛女分野周爲八閩秦屬閩中郡
漢屬會稽郡唐置建州改建安郡 延平府古揚州牛
女分野周爲閩越秦屬閩中郡漢屬會稽郡唐爲建福
汀三州 興化府古揚州牛女分野周爲八閩秦屬閩
中郡漢屬會稽郡唐置隸豐州後隸泉州 泉州府古
揚州牛女分野周爲八閩秦屬閩中郡漢屬會稽郡唐

置武榮州改清源郡 漳州府古楊州牛女分野周為

八閩秦屬閩中郡漢屬會稽郡唐置漳州改漳浦郡

汀州府古楊州牛女分野周為八閩秦屬閩中郡漢屬

會稽郡唐置汀州改臨汀郡

廣東廣州府楊州之南境牛女分野春秋為南越地秦

置南海郡後趙陀據其地漢武為南海郡 韶州府古

楊州牛女分野春秋為百粵地戰國屬楚秦為南海郡

漢初屬南越漢武屬桂陽郡 南雄府古雄州牛女分

野戰國屬楚秦屬南郡漢屬桂陽郡 惠州府古楊

州牛女分野秦為南海郡漢初屬南越國 潮州府古

楊州牛女分野古為閩越地秦屬南海郡漢初屬南越

肇慶府楊州之南境牛女分野春秋為百粵地秦為南

海郡漢為蒼梧合浦二郡 高州府古越地牛女分野

秦為南海郡漢為合浦郡二國吳置為涼郡 廉州府

古南越地翼軫分野秦為象郡二國吳改珠崖郡 雷

州府古百粵地牛女分野漢為徐聞縣 瓊州府古百

越地牛女分野漢古置珠崖儋耳二郡

廣西桂林府古荊州翼軫分野古粵地戰國為楚秦為

桂林郡漢屬蒼梧鬱林二郡 柳州府古百粵地翼軫

分野秦為桂林郡漢屬桂林鬱林郡 慶遠府古百粵

地翼軫分野秦屬象郡漢為文趾日南二郡 平樂府

古荊州翼軫分野古為百越地秦屬桂林郡漢屬蒼梧

郡吳置 郡 梧州府古荊州牛女分野閩為百越

地秦屬桂林郡後屬南粵漢置蒼梧郡 潯州府古百

越地翼軫分野秦為桂林郡漢屬鬱林蒼梧二郡南寧

府古揚州西南境翼軫分野周為百粵地秦為桂林郡

漢為鬱林郡 太平府古南粵地漢屬交趾郡晉以來

夷獠居之唐為羈縻州 田州府古百粵地漢屬交趾

郡唐隸邕州 思明府古百粵地漢屬交趾郡唐置思

明州隸邕州 思恩古百粵地漢屬交趾郡古百粵地

廣祿邕州 鎮安府古百粵地屬交趾泗城府古百粵

地屬交趾米隸邕州 利州古百粵地漢屬交趾郡米

達利州 泰議州古百粵地屬交趾 向武州古百粵

地漢屬交趾 都康州古百粵地屬交趾郡 龍州古

百粵漢屬交趾 江州古百粵地漢屬交趾 上林古

百粵地漢屬交趾 安隆古百粵地漢屬交趾

雲南雲南府古梁州界井鬼分野 大理府古梁州界

井鬼分野漢為益州郡 臨安府古梁州井鬼漢屬牂

牂郡 楚雄府古梁州界井鬼分野漢為益州郡 徵

江府古梁州界井鬼分野古西南夷 蒙化府 景東

府古柘南也 廣南府宋名特磨道儂智高之裔君之

廣西府古梁州界古鎮國東南境漢為益州牂牁郡

鎮元府古西南極邊地唐時南詔家氏為生銀府 永

寧府昔名樓頭賧地接吐蕃 順寧府東蒲蠻之地

曲靖古梁州界并鬼分野漢為益州郡 姚安宋鎮國

地漢屬益州郡 鶴慶東漢為永昌郡唐為越南詔之

地 武定古梁州界并鬼分野古滇國漢屬益州郡

尋甸古滇國地昔樊刺蠻居此 麗江古梁州界并鬼

分野漢為越雋益州二郡 元吉古西南夷極邊之地

忙勝州南詔異牟尋好開甚地 馬龍他即甸阿瓊諸

都蠻台者據之 瀾滄元為州勝州地 金齒古梁州

西南激外之地古哀牢國 勝衝漢為永昌郡西境

車里蠻名車里倭泥貉獯蒲刺黑角諸蠻雜居 木邦

舊名孟都一名孟邦 孟養地名 拘 緬甸古兩南

夷 八百大甸 老撾俗呼撾自古不通中國 孟定

府舊名景蘇 孟艮府 南甸舊名南宋 干崖 龍

川舊為麓州地以白夷所居 威遠州 灣甸州 蠻

名細賧元屬鎮康路 芒布其地舊曰怒謀

貴州貴州宣慰使司荆梁二州之南境參井分野東西

南夷 蘇州府楚為黔中地漢屬蠻林 鎮遠府荆州

南境舊爲豎耶大田溪洞 石所府荆南裔銅仁府荆
州南裔星分野古爲漢蠻地 黎平府荆州南裔翼軫
之餘夜卽之地 晉安州古梁州界并鬼分野古夜卽
地秦爲黔中漢隸牂牁郡 永寧州古爲荒服地 鎮
寧州古爲荒服地 安順州古爲荒服地

分野分配總說

欽天監十二分野分配州郡與唐天文志稍異貞觀中
淳風撰法象志因漢書十二次度數始以唐之州縣配
而一行以爲天下山河之象存乎兩戒北戒自三危積
石負終南北絡之陰東及太華逾河並雷首底柱王屋
太行北抵常山之右乃東循塞垣至穢貊朝鮮是謂北
紀以限夷狄南戒自岷山嶓冢負地絡之陽東及太華
連商山熊耳外方桐栢自上絡南逾江漢馮武當荆山
至于衡陽乃東循嶺徼達東甌閩中是謂南紀以限蠻
夷故星傳謂北戒爲胡門南戒爲越門河源自北紀之
首循雍州北徼達華陰而與地絡相會並行而東至太
行之曲分而東流與涇渭濟瀆相表裏謂之北河江源
自南紀之首循梁州南徼華陽而亦與地絡相會並行
而東及荆山之荆陽分而東流漢水淮瀆相爲表裏謂
之南河故於天象則弘農分陝爲兩河之會五服諸侯

在焉自陝而西爲秦涼北紀山河之曲爲晉代南紀山
河之曲爲巴蜀皆負險用武之國也自陝而東三川中
嶽爲成周西距外方大任北至於濟南至于淮東達距
野爲宋鄭陳蔡河內及濟水之陽爲鄘衛漢東濱淮水
之陰爲申隨皆四戰用文之國也北紀之東至北河之
北爲邢趙南紀之東至南河之南爲荆楚自北河下流
南距岱山爲三齊夾石碣石爲北燕自南河下流北距
岱山爲鄒魯南涉江淮爲吳越皆負海之國貨殖之所
也自河源循塞垣北東及海爲戎狄自江源循嶺徼
南東及海爲蠻越觀兩河象與雲漢之所始終而分野
可知矣於易五月一陰生而雲漢潛萌于天稷之下進
及井鉞間得坤維之氣始陰達于地上而雲漢上升始
交于列宿七緯之氣通矣東井據百川上流故鶉首爲
秦蜀墟得兩戒山河之首雲漢達坤維右而漸升而始
居列宿上紫微參代皆與天關表而在河陰故實沈下
流得大梁距河稍遠涉陰亦深故其分野自漳濱卻負
恒山居北紀衆山之東南外接髦頭地皆河外陰國也
十月陰氣進踰乾維始上達于天雲漢至營室東壁間
升氣悉究與內規相接故自南正達于西正得雲漢升
氣爲山河上流自北正達於東正得雲漢降氣爲山河

下流陬訾在雲漢升降中居水行正位故其分野當中
州河濟間且王良閣道由紫垣絕漢抵營室上帝離宮
也內接成周皆豕常分十一月一陽生而雲漢漸降退
及艮維始下接於地至斗建間始復與刻舍氣通於易
天地始交泰象也踰析木津陰氣並降進及大辰升陽
之氣究而雲漢沉潛於東正之中故易雷出地曰豫龍
出泉爲解皆房心象也星紀得雲漢下流百川歸焉析
木爲雲漢未派山河極焉故其分野自河南下流窮南
紀之曲東北負海爲析木負海者以其雲漢之陰也唯
陬訾內接紫宮在正畿居河濟間降婁玄枵與山河首
尾相遠隣顛頊之墟故爲中州負海之國也其地當南
河之北北河之南界以岱宗至于東海自鶉首踰河戎
東曰鶉火得重離正位軒轅之祇在焉其分野自河會
之交東接祝聖之墟北負河南及漢蓋襄嶼之所均也
自析木紀天漢而南曰大火得明堂升氣天市之都在
焉其分野自距野岱宗西至東流北負河濟南及淮皆
和氣之所布也陽氣自明堂漸升遠于龍角曰壽星龍
角謂之天關於易氣以陽決陰央象也升陽進踰天關
得純乾之位故鶉尾直建巳之月內列太微爲天庭其
分野自南河以負海亦純陽地也壽星在天關內故其

分野在商亳西南淮水之陰北連太室之東自陽盛之
際亦巽維地也夫雲漢自坤抵艮爲地紀北斗自乾攜
巽爲天綱其分野與帝車相直皆五帝墟也寃咸池之
政而在乾維內者降婁也故爲少昊之墟叶北官之政
而在乾維外者陬訾也故爲顓頊之墟成攝提之政而
在巽維內者壽星也故爲太昊之墟布太微之政而在
巽維外者鶉尾也故爲烈山氏之墟得四海中承太階
之政軒轅也故爲有熊氏之墟木金得天地之微氣其
神治於季月水火得天地之童氣其神治於孟月故童
道存乎至微道存乎終皆陰陽變化之際也若微者沉

澁而不及童者高明而過亢皆非上帝之居也斗杓
之外庭陽精之所布也斗魁謂之會府陽精之所復也
杓以治外故鶉尾爲南方負海之國魁以治內故陬訾
爲中州四戰之國其餘列舍在雲漢之陰者八爲負海
之國在雲漢之陽者四爲四戰之國降婁玄枵以負東
海其神主於岱宗歲星位焉星紀鶉尾以負南海其神
主於衡山熒惑位焉鶉首實沈以負西海其神主于萃
山太白位焉大梁析木以負北海其神主于恒山辰星
位焉鶉火大火壽星豕高爲中州其神主於嵩嶽鎮星
位焉近代諸儒言星土者或以州或以國虞夏秦漢郡

國廢置不同周之興也王畿千里及其衰也僅得河之
七縣今天下一統而直以鶉火爲周分則疆場舛矣七
國之初天下地形雖韓而雄魏魏地西距高陵盡河東
河內北固漳鄴東分梁宋至於汝南韓魏據全鄭之地
南盡潁川南陽西達虢貉距函谷固宜陽北連上地皆
綿亘數州相錯如繡考雲漢山河之象多者或至拾餘
宿其後魏徙大梁則西河合于東井秦拔宜陽而上黨
入于鬼方戰國未滅時星家之言屢有明效今則同
在畿甸之中矣而或者徒據漢書地理志推之是守甘
而遺術而不知變通之數也又古之辰次與節氣相係

各據當時曆數與歲差遷徙不同今更以七宿之中分
四象中位自上元之管以度數紀之而著其分野其州
縣雖改隸不同但據山河以分爾晉天文志十二次分
野始角亢者以東方蒼龍爲首也唐十二次始女虛危
者以十二支子爲首也以其斗牛爲星分之首者日月
星起於斗宿古之言天者由斗牛以紀星故曰星紀則
星紀爲十二次之管而斗牛又二十八舍之管也本
朝應運肇基而南京應天府是星紀斗牛之分且與天地
人三統之正相協自周以來千年間帝王之運適符於
今豈偶然哉

諸星分野附

一主秦 二主楚 三主梁 四主吳 五主趙

六主燕 七主齊

南一主吳 二主會稽 三主丹陽 四主豫章

五主廬江 六主九江

三台上星主交豫 下星主荆揚 中台上星主梁雍

下星主冀州 下台上星主青州 下星主徐州

五車一主秦 二主燕趙 三主魯衛 四主楚 五主

魏衛

五星所主 歲星主齊魯東吳青徐楊交之地 熒惑主荆楚

川南荆州衡陽之地 鎮星主中州三河梁豫之地

太白主西維秦晉巴蜀梁雍之地 辰星主燕趙代幽

燕之地

天市垣墻 下元一宮名天市兩扇垣墻二十二東邊宋與南

海關燕東徐越齊中山九河趙魏次其間西邊韓楚梁

巴蜀周與鄭晉并河間河中直在頭上安

紫微垣墻 左樞右樞當門路左畔上少分宰輔上衛少衛次

第分六丞最後成入數西邊少尉起等初輔衛亦分上

少無上丞最後對上少七星點點不糊望

十二諸侯次第陳先從越國向東論東西兩周次

二陳秦雍周南雙鴈門伐國向西一縉紳韓魏各一皆
北輪楚之一國魏西屯楚城南畔 燕畢燕西郡是齊
鄰齊地兩點平原君欲知鄭是越不存十六 星細區

分

十于 申乙海外日月 丙丁江淮海岱 戊巳中州河

濟 庚辛華山以西 壬癸常山以北 甲齊乙東夷

丙楚丁南夷 戊魏巳韓 庚秦辛西夷 壬燕趙癸

北夷

十二支 子周 丑翟 寅趙 卯鄭 辰邯鄲 巳衛

午秦 未中山 申齊 酉魯 戌吳越 亥燕代

總論分野

分野視分星古不謂地也地有彼此之不齊而分野在
天則一定而不易以彼此不齊之地必欲求配於在天
十二次整然之分野其說之難通也固宜蓋天有三垣
紫微太微天市是也紫微太微皆將相輔佐之位而天
市下垣則列國星宿之所存其星東南南二十二宋南海
燕東海徐吳越齊中山九河趙越韓楚巴蜀秦周鄭晉
河間河中曰分野者指列宿所屬之分而言也鄭氏所
謂星土星所主土是也其國在此而星則在彼彼此若
不相配而其為象未嘗不相屬非地之在北者其分野


在天亦居北地之在南者分野在天亦居南也列國之
 在天下彼此縱橫之不齊猶犬牙然而欲以其地之不
 齊者求合乎在天分野之整然彼此之不相配無足恠
 者甚者至於天之北極為天之首其體反背故有吳北
 魯東之差其惑甚矣易不云乎在天成象在地成形水
 火金木土其形在地者也而天有其星焉所謂象也豈
 惟五星哉凡物莫不皆然矣故夫齊吳燕宋韓楚周秦
 魏趙諸國之地地之形也而其星在天象之謂也地有
 是形則天有是星有是星則有是名曰齊吳燕宋韓楚
 周秦魏趙列國者非後世有是名而舉以為分野之名
 也何以知其然也徵諸東海北海九河河間河中巴蜀
 中山有以知之也東海南海九河河間河中非國中山
 巴蜀非若諸國之顯也故曰地有是形則天有是星而
 分野者指列星所屬之分而言也或曰若然則十二次
 之說將無所徵曰十二次所以驗天運之度數日躔之
 次舍此蓋古法而曆家之所取驗者也因其度數次舍
 之所在而妖祥見焉則其所屬之地從亦可徵矣抑分
 野之說豈專繫於是哉又按宋景時禮經會元其辨尤
 詳茲不能具矣

分野辨

容齊洪氏隨筆曰十二國分野上屬二十八宿其爲義多不然前輩固有論之者矣其甚不可曉者莫如晉之文志謂自危至奎爲娵訾於辰在亥衛之分野也屬并州且衛本受封於河內商虛後徙楚丘河內乃冀州所部漢屬司隸其他邑皆其東郡屬兖州於并州了不相干而并州之下所列郡名乃安定天水隴西酒泉張掖諸郡自繫涼州耳又謂自畢至東井爲實沈於辰在申魏之分野也蜀益州且魏分晉地得河內河東數十縣於益州亦不相干而雍州爲秦其下乃列雲中定襄鴈門代太原上黨諸郡益又自屬并州耳謬亂如此而出於李淳風之手豈非蔽於天而不知地乎

按吳越南而星紀北齊東而玄枵北衛東而娵訾言北東而降婁西周中土而柳星南秦西北而井鬼西南參西而魏東北角亢東而鄭滎陽昂畢西而趙河朔又曰牛女北而謂之揚州虛危北而謂之青州昂畢西而謂之冀州奎婁西而謂之徐州魏冀州之國而屬於益魯兖州之國而屬於徐然則分野之說若有可疑者但傳訛已久歷代因之而唐一行以山河爲限而不主於州國之說後人竟未之講也

九州分星



按大司徒只言土宜辨三上不言所辨何次保章只言星土辨九州不言所辨何星又言所封之域皆有分星不言其何分也成康以春秋時十二國分配十二次恐未必然今此圖不指定九州分配某星只按職方氏所言九州東西南北自有定界觀九州地界之所抵別星之所辨亦畧可觀矣

分野之疑何始乎曰二鄭之釋周禮也大司徒曰以

宜之法辨十有二土之名物成康以為十二土分野十

二邦繫十二次各有所宜保章氏曰以星土辨九州之

地所封封域各有分星司農引春秋傳曰參為晉星商

主大火國語曰歲之所在則我有周之分野是也康成

則曰今其存可言者十二次之分也此分野之辨所以

紛紛而不一歟自時厥後或以十二州配之或以列郡

配之或以山河兩界配之或以七星主九州後天文志劉昭或

以七星主七國晉志或繫之二十八宿或繫之五星紛紛

異論是以學者多疑焉主分野之是者則曰自柳九度

至張十六度爲鶉火之次當周之分武王克商歲在鶉
火伶州鳩曰歲之所在則我有周之分野則周屬鶉火
可知自畢十二度至東井十五度爲實沈之次當晉之
分晉文卽位歲在實沈董固曰實沈之次晉人是居則
晉屬實沈可知自張十七度至軫十七度爲鶉尾之次
當楚之分魯襄公二十八年歲淫於玄枵而裨竈知楚
子之將死且曰歲棄其次而旅於明年之次以害烏帑
周楚惡之說者謂帑烏尾也則楚屬鶉尾可知自氐五
度至尾九度爲大火之次當宋之分昭公十七年星見
火辰而梓慎知宋之將火且曰宋大辰之墟鄭祝融之

墟也皆火序也說者謂辰大火也則宋屬大火可知此
則分野之說爲不疑矣辨分野之非者則曰吳越南而
星紀北齊東而玄枵北衛東而娵訾北魯東而降婁西
周宅中土而柳星乃位于南以柳星爲周可乎秦在西
北而井鬼乃在乎西南以井鬼爲秦可乎觜參在西魏
在東北以觜參爲魏可乎角亢東宿鄭在滎陽而屬於
角亢可乎昴畢西宿趙居河朔而屬於昴畢可乎又曰
牛女北也史記謂之揚州虛危北也史記謂之青州昴
畢也史記謂之冀州奎婁西也史記謂之徐州魏冀州
之國也晉則不屬於冀而屬於益魯交州之國也魯則

不屬於交而屬於徐此則分野之說為可疑矣然畧分
野之說而不信則周禮不應有星土之辨拘分野之說
以為驗則左氏未免有傳會之誣更以左氏考之無水
之災何關於元枵星紀而梓慎以為宋鄭之饑襄二十八年
日食之變何與於豕鬲降婁而士元伯以為魯衛之惡
昭七年星紀果同為吳分則吳亦得歲士墨何以謂之越
得歲而吳伐之必受其凶昭二十二年參虛果為晉分則實
沈為星子產何以謂之高辛之子而能為晉侯之崇昭元年
年此又左氏之說又不足信也又以史冊觀之四星聚
牛女而晉元王吳四星聚觜參而齊祖王魏慧星掃東

井而符堅亡秦景星見箕尾而慕容德復燕此又分野之

驗而未可以盡畧之也蓋星土分星本不可以州國拘
也且以職方氏言地理必指其東西南北之所在山鎮
川澤之所分民畜穀利之所有獨於天文之紀如司徒
只言十有二土未嘗斥言其所應者何次保章氏言星
土辨九州之地不明言其所辨者何星是星土分星不
可以州國定名亦明矣愚以保章觀之隨其土之所屬
應其星之所臨故謂之星土辨九州之地非如鄭氏言
十二邦繫十二次也隨其國之所封屬其星之所在故
謂之所封封域皆有分星亦非如賈氏言受封之日歲

星所在國屬焉夫九州上應星土則三百餘度皆有其
驗豈特十二次而已乎封域皆有分星則千八百國皆
有所屬豈特十二國而已乎九州之土皆配星九州之
國皆有分故因其星可以辨其州之地因其分可以觀
其國之妖祥保章氏之說如是而已說者何必牽合傳
會而定指後世郡國之名以求配之也昔孔子作春秋
日食隕星之變無所不記豈必皆周魯之分而後言之
乎五星聚東井漢入秦之應也崔浩嘗言其不在十月
司馬公作通鑑乃棄之而不取歐陽志唐天文日食星
孛之變一一紀之而獨不言其事應亦豈拘拘於分野
之說哉大抵周官所辨者欲以觀妖祥爾天子之所
者九州也諸侯之所觀者一國也諸侯以一國分星而
驗一國天子以九州星土而辨九州諸侯觀一國之妖
祥而爲一國之備可也天子可以諉之一國分星之所
屬而不爲之救政序事乎知乎此則可以言星土分星
之說矣

諸家分星辨

按分野之說自周禮保章氏以星土辨九州之地所封
之域各有分星故後世若范蠡王鬼谷張番侯諸葛孔
明譙周京房張衡諸子並云十二國以當十二次而已

漢書始分十二次度數。魏太史令陳卓始立郡國所入宿度。唐天文志又以山河兩戒分南北分野之說。諸家不同。太抵十二次者。星之士九州者。地之士所封之域之星。乃歲星之分也。歲主農祥。后稷憑焉。故周人常閱其機祥。以觀善敗。其始王也。歲次于鶉火。以達天龜。及其衰也。淫于玄枵。以害鳥帑。所觀者在歲之次。舍不在其度數之縷析。蓋以天體赤道度多。黃道度少。兩次相交。又非截然彼我之分。且天下之九州。磬析牙制。勢既不同。而隨時削益。統復不一。又可以一度二度限之乎。蓋嘗稽之。晉文卽位。歲在實沈。故董固曰。始受實沈之


星。實沈之次。晉人是居。吳伐越。歲在星紀。故士墨曰。越得歲。吳伐必受其凶。五星聚東井。而漢高帝秦聚牛女。而晉元主吳。聚觜參。而齊祖土。魏要皆以十二次繫。拾二國占十二歲星也。漢魏分度之說。與後世日者之術無異。先儒訾之者。若宋葉文康公嘗於分野辨其乖謬。嘉定中。知靜江府蔡氏勘者。亦嘗辨其荆揚之異。乃若分度之非。則未之及。自今言之。蒼梧以上爲楚。下爲揚。越境土相接。若此。其密而星紀去鶉尾百四十餘度。如以今桂林楚野入軫十一。則已涉壽星爲鄭地。蓋度者天之經體。兩極相懸。所以紀辰曜於一日之差。而非所

以語九州郡邑之素定也。况自度法既立而後世之言
占者未聞一應則亦奚以度爲哉。他如春秋文耀鉤北
斗分楚荆則屬衡。晉志牛女十六星主十二國。魏西一
星則屬楚。宋天文志天市垣二十二星其西垣第二星
居韓梁之間曰亦楚星則一次合之間即有諸國之通
繫。長沙附軫東甌附翼南蠻之星觀於軫轄又豈非類
見獨發而不必以度占者乎。夫分土之體亦猶人身苟
有痲痺則四肢百體莫不震動。故患之所及雖鄰國不
免於災况其本乎區區以絲分縷析之數求三才之胞
合其雖患未之信矣。


輿地山海全圖叙

嘗聞陸象山先生悟學有二。云原來只是箇無窮。今即與
地一端言之。自中國以達四海固見地之無窮盡矣。然
自中國及小西洋道途二萬餘里。使地止于茲。謂之有
窮盡可也。若由小西洋以達大西洋尚隔四萬里餘。矧
自大西洋以達極西不知可以里計者。又當何如。謂之
無窮盡也。非歟。此圖亦自大西洋以至廣東其海上程
途可以里計者。如此故并後小西洋圖存之以備考云。

圖全海



山地輿



地球圖說

地與海本圓形而全爲一球居天球之中誠如鷄子黃
在青內有謂地爲方者乃語其定而不移之性非語其
形體也天既包地則彼此相應故天有南北二極地亦
有之天分三百六十度地亦同之天中有直道自直道
而南九十度爲南道九十度爲北道日行直道則晝夜
平行南道則晝短行北道則晝長故天球有直道圖列
于中南北二圈列于南北以爲日路之界地球之南北
中三圈亦同焉但天包地外其度廣地處天中其度狹
此其差異者耳地每度廣二百里南至北東至西各七
百二十里是南北與東西數相等而異南北于東西
無異也天地厚二萬二千九百零八里上下四旁皆生
齒所居是渾淪一球原無上下總六合內凡足所佇即
爲下凡首所向即上矣此無疑之論其專以身之所居
分上下未然也且予自大西浮海入中國轉南過大浪
山已見南極高三十六度則大浪山與中國豈不相爲
對待乎故謂地形圓而週圍皆生齒者信然矣茲以譬
天下輿地分五州曰上下亞墨利加曰墨瓦蠟泥加曰
亞細亞者利未亞曰泥邏河其各州之國繁顛難悉大
約皆百以上此圖本宜作圓球以其入冊籍不得不析

圓為平其經緯線畫每十度為一方以分置各國于其所東西線數自中國起南北線數自福島起也



此圖即太西所畫彼謂皆其所親歷者且謂地象圓球是或一道也

輿地圓圖考



此二圖即前圖也前圖因赤道其直如繩故總為一圖而五方止列其槩此圖圓形以南北二極分之為二故各國可因地以考其詳蓋天圓地亦圓與舊所記載相反且非足跡所及若未可確信然以理揆之却不相背况本天之圓以定日月星宿之行度固時令不爽

據此 圓象準地面各方相距近遠以定日晷亦節令時刻不差則其度數皆可槩見參之先儒謂天如雞子青地如鷄子黃理則同也故併錄之亦可以廣見聞之一端矧戴天履地敢不究心乎哉

輿地圖上 以赤道



輿地圖下 赤道以南



問天圓地亦圓子何所據而信之乎曰予信乎理耳彼地勢平面山崇水低人止見其層積平坡之稍殊耳茲以吾江右一方水勢觀之自大庾嶺至江州相去幾二千里設地平如砥則水即四泛不下流矣每歲春夏間淫雨連日夕潦水瀰漫懷山襄陵不旬日悉流出湖口凡四時順流亦莫不然以其自高趨下之易易也若一丈止高一二寸則自處達江口可以丈尺計之乎大江發源岷山以抵東海其高下可以里數記之乎又黃河由星宿海流入海口固可類推則即東海類觀四海旱高懸絕皆可因水以知地也况昊天二百餘度爲地一

度地球每度計二百五十里北極出地三十六度南極入地三十六度由廣東以達

京師每相距數百里即差一度即此以定日晷皆不爽時刻則據天圓不可以證地之圓乎故曰吾惟信乎理而已

夷 總 圖



四 海 華 萃



此釋典所載四大
海中南瞻部洲之
圖姑存之以備考

南瞻部洲者乃四洲之一也海中有須彌盧此云妙高
山出水三百二十六萬里入水亦然日月腰中旋照四
洲此洲在須彌之南其地形三角南狹北廣人面背之
周二十八萬里大小江河二千五百大國十六中國五
百小國十萬諸國中中印土爲最大實當洲之正中我
震旦九州介洲之東北特中國數耳印土乃天竺之正
名北背雪山三番大海地形南狹如月上弦州平地廣
周九萬里大小七千餘城古有轉輪王建都于此也震
旦地形南廣北狹周一萬七千餘里自古三皇開闢中
國分野至帝嚳始劃九州夏分萬國商曰三千周曰

異類
人交感
不生

八百國歷皇王周孔所化聲名文物獨盛焉北印土之
北其地尚廣東西俱海南北可二萬里皆頑山積石物
雜居乃上古異類與人交感而生者如獠狻姜戎匈奴
突厥等號族種不一亦有君長統之而獷悍難馴故直
以邊野目之中印土至東海邊四萬五千里南西地狃
狃此南洲之大較也洲中有大池周八百里名阿耨達
此云無熱居香山南雪山北派分四河流入大海池東
曰恒河迺地流入東南曰信度河流入西西海西曰縛
菟河流入西北海北曰徒多河東流注東北至烏斂國
海盪澤入地潛流抵積石山復湧出爲黃河之源今使

秦火之後
後聖人
書又辭
墟山併
以確憑
斯道之
一不不

星宿海是也。又于岷山湧出為川江之源。今長江一帶是也。天下泉流綿綿不絕者，悉源于池之一派。潛通耳。世傳水皆東流，不知印土以西水皆西流也。且儒書所稱四海而論王教所及，惟曰東漸于海，是上古聖人豈不知震旦之介在東偏，而印土尚有南西北海哉。意者秦火之後，墳典丘索俱燼，不獲見圖經之全耳。究竟地形非佛經不足以覈其致矣。其禪暇檢閱三藏至統紀中，有震旦圖、漢西域諸國圖、盤師西土五印圖、三圖參合，道里畧備，但形勢失次，覽者茫然。于是再探諸經圖，洲渾之形勢及考諸師西域等傳，列衆國名，又採其洪

等書參侔海中諸國，以妥方向。然圖所列者亦百分之一耳。要之一世界中，山之最大者莫若須彌，境之最大者莫如四洲，其餘海島拳石之國或千里萬里，如星羅棋布，為人仙神鬼龍獸異類所居，不可勝記。其南洲大畧如此。按此圖與說出于釋氏，雖不可盡信，然覽此亦可以知地勢之無窮盡云。

又四大洲名

南閩浮提洲 縱廣七千由旬

東拂于逮洲 縱廣九千由旬

西瞿耶尼洲 縱廣八千由旬

北鬱單越洲 縱廣十千由旬

卷終

